

Gvangjsih Minzcuz Bau

Guenjbanh: Gvangsiah Bouxcuengh Swcigih Minzcuz Cunghvau Swvu Veijvenzvei Okbanj: Gvangsiah Minzcuz Bause Geiz neix 8 bani
广西民族报 Aenhauh okbanj: CN45-0036 B.2021 Nd.12 Ng.8 Liggaueq sincouj nienz ndwenit co'ngux Geizsoq: Gungh daih 3502 geiz

Gvangjsih Song Aen Hanghmoeg Ndaej Haeuj Dieggoek Guhyiengh Dijyuz Lijyouz Guekgya 广西两项目入选国家体育旅游示范基地

Mboengqneix, Guekgya Dijyuz Cunggiz, Vwnzva Caeuq Lijyouz Bu fatboub gij mingzdan dieggoek guhyiengh dijyuz lijyouz guekgya bi 2021, Gvangsiah miz song aen hanghmoeg gwnz buengj miz mingz, faenbied dwg Dieggoek Guhyiengh Dijyuz Lijyouz Bwzlij Liujgyangh Liujcouh Si, Dieg Gvaq Ngoenzgyaj Youqndwi Dijyuz Lijyouz Yilungzhos Yangzsoz Gveilinz. Linghvaih, "sam nyied sam Bouxcuengh • angj dijyuz minzcuz" baenzroix hozdung hix ndaej senjhaeuj aen hanghmoeg cietangq Cunghvaz dijyuz vwnzva maenhndei.

Aen hanghmoeg Cunghvaz dijyuz vwnzva maenhndei doigawj hozdung bi 2020 haindung, dwg aen hozdung moq boiqdaug youqgaenj Cungguk Dijyuz Vwnzva Bozlanjvei, Cungguk Dijyuz Lijyouz Bozlanjvei, muzdiz dwg engqndei doicaenh baujhoh, doigvangq caeuq cauhoq hwngfat Cunghvaz cienzdoengj vwnzva. Bineix ndwen 11 Cungguk Dijyuz Vwnzva Bozlanjvei, Cungguk Dijyuz Lijyouz Bozlanjvei youq Gvangjcouh banh haenx, Gvangsiah "sam nyied sam Bouxcuengh • angj dijyuz minzcuz" lienздаemh lai bi banh haenx ndaej senjhaeuj aen hanghmoeg cietangq Cunghvaz dijyuz vwnzva maenhndei.

Geij bi neix daeuj, Swcigih Dijyuz Giz aeu "swnghdai saekheu yindung couh youq Gvangsiah" guh cawjdaez, haenqrengz doidoengh dijyuz lijyouz doxyungz, gyagiengz "dijyuz + lijyouz" youq leixniemh, gihci, cwngecwz, gaijgwz, ciu seng'eiq caeuq hwnqguh binjbaiz daengj fuengmienh yungzhab hwngfat laegdaeuq, cungfaen vatcimh caeuq fatok gijndei dijyuz lijyouz swhyenz daengx gih, haenqrengz hwngfat "bya, haij, bien, minz" canjnieb dijyuz lijyouz miz daegsaek, gungganq caeuq guhung hawciengz cawjdaej, hwnqguh aen hanghmoeg binjbaiz dijyuz lijyouz yiengh doxca, hawj binjbaiz lai caeuqfaenh lai rox, gyalai binjbaiz dijcienz, hawj gij yiengh "dijyuz + lijyouz" dijyuz youqndwi, lijyouz yawjngonz, doxdax biujyenj, cienzboq vwnzva, gai huq daengj ndaej bienq lai, gungganq buek hanghmoeg dijyuz lijyouz miz Gvangsiah daegsaek ndeu.

(Cungh Vwnzcangh)

Sanhgyangh: Ciengq Gok Godung Haenh Aen Dangj 三江：侗歌声声颂党恩

Ndwen 12 ngoenz 5, Sanhgyangh Duncuz Swciyen Linzhieh Cin Cwngzyangz Bazcai Ginggih banh hozdung langhbaij golaux Duncuz, geij bak boux vunz dangdieg ndang daenj buhvaq minzcuz moqsag, caemh daiz ciengq golaux Duncuz, caenhcingz haenh cwngecwz leih beksingq dangj caeuq ndwenngoenz vuenyungz beksingq Mbanjdung, yungh fuengsik daegbied hag cienz gvancez gij cingsaenz Cibgouj Gaiq Roekcung Cienzhohi Dangj caeuq gij cingsaenz Swcigih Baez Cibngeih Dangjdaivei, haenqrengz sonyinx beksingq Mbanjdung rox gyo' mbaiq dangj, dingq dangj gangj, riengz dangj byaij.

(Gungh Bujganh ing)



Swnjcienz Minzcuz Vwnzva Fwenyauz Byaijhaeuj Ndawhag 传承民族文化 瑶歌走进校园

Ndwen 12 ngoenz 2, "swnjcienz minzcuz vwnzva Fwenyauz byaijhaeuj ndawhag" Gvangsiah Vwnzlenz bi 2021 "vwnzyi haeuj ndawhag" hanghmoeg cwngezgoj baijyenj youq Ginhsiu Yauzcuz Swciyen Minzcuz Siujyoz guh. Cangh-fwen Yauzcuz, canghheiq ndawbiengz Yauzcuz Ginhsiu caeuq hagseng minzcuz siujyoz dangciengz ciengq fwen Yauzcuz ndeidingq, langhbaij gij yinxdaeuз vwnzva fwen Yauzcuz.

Geij bi neix daeuj, Ginhsiu haenqrengz guh hong "vwnzyi haeuj ndawhag". doenggvag gwnz laj lienzdoengh, gvaz swix doxboiq, cingjhab lai fuengmienh swhyenz, aeu vwnzyi binjcungj miz Yauzcuz deihfueng daegsaek yinx haeuj ndawhag, gyalai baujhoh caeuq swnjcienz vwnzyi binjcungj. Doengzseiz hix hawj gyoengq hagseng lauxsae lai rox Yauzcuz vwnzva, roxnyinh gij gyaundeи Yauzcuz vwnzva, gyalai nyinhdoengz minzcuz caeuq roxnyinh minzcuz miz-naj.

Ciuq cam rox, "swnjcienz minzcuz vwnzva Fwenyauz byaijhaeuj ndawhag" dwg aen dandog loih ciengqgo Swcigih Vwnzlenz bi 2021 "vwnzyi haeuj ndawhag" vwnzyi gagnyienh hozdung bangfuz hanghmoeg, youq Ginhsiu Yauzcuz Swciyen guh.

(Vangz Siufung Vangz Sanhsanh)

Cuengh Gun Song Vahsaw Hag Coenzgim 壮汉双语学金句

Aeu cienzmienh gvancez saedhengz fapguk, henhoh gienzvi caeuq viyiemz fapguk. Daengx guek yinzda caeuq aen cangzveijvei de aeu laebndei fapguk mizgven faplwd cidu, baujcingq cidu, yenzcwz, gveihcwz fapguk dinghlaeb haenx ndaej cienzmienh saedhengz, aeu gyagiengz gamduk genjcaz fapguk faplwd saedhengz cingzgvang. Deihfueng gak gaep yinzda caeuq aen cangzveijvei de aeu eifap yungh gienz, baujcingq fapguk faplwd youq ndaw hingzcwng gihiyz bonjfaenh ndaej ciueiq caeuq caephengz, gagrox henhoh guekgya fapceih doengjit.

——Siz Ginbingz bi 2021 ndwen 10 ngoenz 13 daengz ngoenz 14 youq Aen Hoih Hong Cunghyangh Yinzda gangj

要全面贯彻实施宪法,维护宪法权威和尊严。全国人大及其常委会要完善宪法相关法律制度,保证宪法确立的制度、原则、规则得到全面实施,要加强对宪法法律实施情况的监督检查。地方各级人大及其常委会要依法行使职权,保证宪法法律在本行政区域内得到遵守和执行,自觉维护国家法治统一。

——习近平 2021 年 10 月 13 日至 14 日在中央人大工作会议上的讲话